



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Confessionale, || In Qvo || Vniversa || Materia De ||  
Confessione Pec-||catorvm Apvd Catholicos || vsitata per  
Quæstiones explicatur**

**Eisengrein, Martin**

**Ingolstadii, 1577**

**VD16 E 795**

II. V. Teneatur quispiam in absentia Sacerdotis laico confiteri.

**urn:nbn:de:hbz:466:1-30362**



*Tenetur ne quispiam in absentia Sacerdotis, laico confiteri?*

*Quaestio*

*II.*

*Responsio.*

**N**EC Diuino nec humano iure quisquā obstringitur ad Confessionē laico faciendā. PRIMVM patet; quia ius Diuinum, vnde necessitas confitendi deducitur, solum postulat Confessionem faciendam esse Sacerdotibus. Nam ad solos Sacerdotes dixit Christus: Quorum remiseritis peccata &c. Ioan. 20.

Igitur vbi non habetur copia Sacerdotis, nō tenetur peccator homini laico confiteri; Praesertim cū nullus casus ipsis tribuat spirituales absoluendi potestatem.

SECUNDVM etiam patet; quia potissimum ius humanum de confitendo est Cap. Omnis vtriusque sexus &c. Hoc autem non obligat, nisi vt semel in Año quisq; confiteatur proprio Sacerdoti; ex nullo igitur iure deduci potest necessitas, confitendi laico.

TERTIO idem patet; quia Confessio, quam DEVS & Ecclesia iubent, est Confessio Sacramentalis; Ea autem quæ laico fit, non est talis, nec esse potest, ob defectum ministris, q̄ necessariò debet esse Sacerdos; quare Confessio facta laico, nunquam cadit sub præcepto Diuino, vel humano, neque gratiam vllam conferre possit. Vnde, si in articulo mortis peccator careat copia Sacerdotis, non tenetur homini confiteri, sed sufficit, si DEO contritus confiteatur.

K 6

Si tamen



## Caput VI. De Ministro

Si tamen vlllo vnquam tempore, aut loco vsus obtinuit, vt, urgente necessitate, in absentia Sacerdotis, laici Confessiones exciperent, id omninò de peccatis manifestis, non autem occultis, intelligi debet. Nam cum Confessio, quæ fit laicis, non fit Sacramentalis, nec vllam omninò gratiam conferrat; non fit probabile, vllam vsque extitisse legem aut consuetudinem, quæ obligaret ad Confessionem occultorum laicis faciendam; fuisset enim talis lex intolerabilis.

*Questio*      *Expeditne in necessitate laico confiteri?*  
*III.*

*Responſio.* **T**Ales Confessiones nunc non sunt vsitate, neque etiam consulendæ, eò quòd plus possent detrimenti, cum famæ & vitæ periculo afferre, quàm spiritualis emolumenti: attamen si quis sua sponte laico confiteri velit, non prohibetur, modò vt id faciat eo fine, si doctus sit, vt habeat salutare consilium seu consolationem; tum etiam, vt ob verecundiam, quam patitur, maius consequatur meriti augmentum: Non tamen eo fine, vt Absolutionis particeps fiat. Laicus autem, qui excipit talem Confessionem, tenetur ex iure naturali secretò tenere, quæ per Confessionem intellexit, sub pœna peccati mortalis.

*Potè.*